

Jarraporto por la jaro 2005/06

Enkonduko kaj ĝeneralaĵoj (raportas David-Emil Wickström, prezidanto de TEJO kaj TEJO-estrarano pri ijk)

Jen la jarraporto por la jaro 2005/06. Pro diversaj kialoj ĝi iomete malfruas kaj ni ege bedaŭras tion. Ankaŭ okazis intertempe prezidenta ŝanĝo. Pro personaj kialoj Heming Welde Thorbjørnsen demisiis kaj kiel nova prezidanto elektiĝis David-Emil Wickström. La tuta estraro volas danki Heming pro sia laboro dum la lasta jaro! Ankaŭ venis nova kasistino por anstataŭigi Katja Ignatieva, nome Adenjo Charrière. La tuta estraro volas ankaŭ danki Katja-n pro ŝia laboro dum la lasta jaro!

TEJO post la elektoj pasintjare ekhavis reletivan freŝan estraron - nur Katja Ignatieva restis el la malnova estraro (sed ŝi elektiĝis nur sub la kondiĉo ke troviĝus posteulon post unu jaro). Tamen la novaj estraranoj estis longtempaktivuloj en TEJO kaj kun sia spertoj bone eniris siajn estrarajn postenojn. Prioritatoj por la nova estraro estis aktivula trejnado, plibonigi kaj aktualigi nian retpaĝaron, landa agado (aparte en Afriko), eksteraj rilatoj kaj plividebligi la IJK-an elekton proceson. Kompreneble ankaŭ la regulaj taskoj restis gravaj. La estraro bone kunlaboris kvamkam kelkaj estraranoj malaperis pro diversaj kialoj dum mallonga tempperiodo.

Oficisto

Nuntempe estas sufiĉe da mono en la oficista poto por dungi duontempan oficiston. La estraron ekstarigis taskaron por la oficisto kaj faris du oficistajn profilojn: Monakira oficisto kaj Administrativa oficisto. La laboro pri oficisto stagnis post la printempa estrarkunsido pro diversaj kialoj. Ni esperas reeki pri ĝi dum la aŭtuno.

Administrado (raportas Valentina Sidorova, ĝenerala sekretario de TEJO)

Estrarano

La estrarano por la periodo 2005-2007 estis elektita dum IJK 2005 en Zakopane, Pollando. Laŭ la rekomendoj de elekta komisiono (Anna-Laura Wickstroem, Gregor Hinker kaj Ilja de Coster), la komitato elektis 7-kapan estraron en la konsisto Heming Welde Thorbjørnsen prezidanto, Katja Ignatieva kasistino, Valentina Sidorova ĝenerala sekretario, David-Emil Wickström estrarano pri Aktivula Trejnado, kongresoj kaj seminarioj, Chuck Smith estrarano pri informado, Haris Subašić estrarano pri Eksteraj Rilatoj, Francois Hounsounou, estrarano pri Landa Agado kaj Afrika Agado

Estrarkunsidoj

La estrarano kunsidis dufoje dum la lasta jaro: septembre 2005, en la Centra oficejo (CO) en Roterdamo, kun ĉeesto de Ans Bakker, UEA-estrarano, kaj Osmo Buller, Ĝenerala Direktoro de la CO, kiel reprezentantoj de UEA. Dufoje, aprile 2006, ankaŭ en CO kun partopreno de Osmo Buller. Unu semajnon antaŭe, Chuck Smith kiel reprezentanto de TEJO ĉe UEA partoprenis la UEA-Estrarkunsidon en la CO.

Dum sia unua estrarkunsido la nova estrarano ellaboris ĉefan prioritaton por la venontaj du jaroj. Tio estas tutmonda agado koncentrita je Aktivula Trejnado, Landa Agado kaj Eksteraj Rilatoj.

Regule, ĉiun duan merkredon de monato kunsidis la estrarano rete, per tujmesaĝilo YahooMessenger.

Komisiitoj

Kiel komisiitoj, t e homoj kiel laboras pri specifaj kampoj daŭre oficas: Anna-Laura Wickstroem, Landa Agado en Eŭropo (TEJK), Giovanni Grossi, financoj. Francois Hounsounou, kiu estis elektita dum IJK 2003 kiel komisiito pri Landa Agado en Afriko estraraniĝis, daŭrigante jam ene de la estrarano okupiĝi pri la sama kampo. Aliaj komisiitoj estas: Martin Minich, volontulo ekde novembro 2004, Joel Amis redaktoro de TEJO Tutmonde, Derk Ederveen, kompilanto de Pasporta Servo, kaj Ĵenja Zvereva, redaktoro de Kontakto.

Komitato

La Komitato, kiu oficis de la jaro 2004 ĝis la unua duono de 2006 konsistis el 20 komitatanoj A de LSj, 3 komitatanoj A de FSj kaj 5 komitatanoj B (3 el kiuj estraraniĝis en 2005). En 2006, kiel en la elekta jaro por Komitato, estis (re)nomumitaj 20 reprezentantoj de LSj (el 44 eblaj laŭ la nombro de LSj), 2 reprezentantoj de FSj (el 3) de TEJO. Kaj kvamkam la kvanto de la membraro permesas elekti 6 komitatanojn B, sian deziron esprimis nur 2 personoj, kiuj aŭtomate estas konsiderataj kiel elektitaj sen voĉdonoj. Malĝoigas la fakto, ke TEJO-membroj ne emas aktivumi ene de la Komitato. Bedaŭrinde, ke ne venis respondoj de ĉiuj LSj pri nomumoj ; kelkaj indikitaj adresoj evidentiĝis malaktualaj. Tia malbona komunikado ĝenerale malfaciligas la kunlaboron inter TEJO kaj ĝiaj LSj.

Novembre la diskutoj el komitatlisto komitato@TEJO.org transiris al nova TEJO-komitato@listoj.ikso.net laŭ la propono

de David-Emil. Diskutoj en ambaŭ listoj oni ne nomus kiel tro viglaj.

Komitataj cirkuleroj regule ĉiumonate aperis ekde septembro 2005. Kutime kontribuoj ne multnombros kaj venas ĝenerale de la apartaj estraranoj kaj komisiitoj.

Estante dezirindus, ke komitatanoj kaj komisiitoj pli uzu diversajn internajn komunikadservojn, inkluzive cirkulerojn.

Komitatkunsidoj

La Komitatkunsido dum IJK 2005 en Zakopane, estis kворuma, kun minimume 21 voĉoj. Krom la laŭregularajn tagorderojn, oni diskutis plurajn temojn, starigis la fondaĵon Freŝa Vento, modifis reglamenton pri TT. VEJO (Vjetnama Esperantista Junulara Organizo) akceptiĝis kiel nova Landa Sekcio kaj NEJO (Nepalo) kiel observanto ĉe TEJO. Krome oni elektis la estraron 2005-2007.

Dum IS 2005/2006, la Komitato denove kunsidis, senkvorume kaj sekve neformale, kaj studis kelkajn aferojn kiel reta versio de PS, TEJO-dungitoj, landaj kategorioj por IJK.

Komitatanoj A de TEJO ĉe UEA

Por la periodo 2004-2007 estas: Sonja PETROVIĆ kaj Bertrand HUGON.

Membroj

Dum lastaj 10 jaroj, surbaze de UEA-datenbazo, la membraro evoluis jene:

Jaro	Junaj membroj kun jarlibro (MJ-T)	Junaj membroj abonantoj + revuo Eo (MA-T)	Junaj dumvivaj membroj (DMT)	Junaj dumvivaj membroj kun jarlibro (DMJ-T)	Sumo individuaj membroj (IM)	Dumvivaj patronoj (DPT)	Uunujaraj patronoj (PT)
2005	361	131	29	13	534	21	64
2004	267	137	25	10	439	21	76
2003	231	139	23	6	399	18	71
2002	235	161	18	5	419	17	82
2001	337	201	22	0	560	17	90
2000	350	241	19	0	610	17	94
1999	451	220	17	0	688	14	96
1998	451	260	17	0	728	13	100
1997	598	277	17	0	892	12	101
1996	550	274	19	0	843	11	108
1995	410	310	19	0	739	12	92

Ĉi-supra statistiko montras kreskon de la membro-nombro en lastaj du jaroj, kio donas signifan esperon atendi plurajn membrojn en sekvaj jaroj.

Landa Agado (raportas François Hounsounou, TEJO-estrarano pri landa kaj afrika agado)

En Afriko, la laboro komencis tra la diskutlisto de TEJO-Afriko helpe de Aleks Kadar. Sed ne nur afrikanoj aliĝis al la diskutlisto sed ankaŭ la eksterafrikanoj pri kiu la celoj estas interveni en la junularan movadon en Afriko. Kelkaj retkunsidoj okazis por pritrakti la gravajn aferojn rilate la junularan organizadon. La lasta okazis la 1an de oktobro 2005 el kiu la rezulto estas organizigi la afrikan junularan kongreson en Ganao kaj la informo estas dissendita al la aliaj.

Ĵus elektinte, la TEJO-estrarano pri landa kaj afrika agado retmesaĝis al Aleks Kadar, la iama ĝen sekr de TEJO por gardi la kontakton kaj plu kunlaboradi kun li por spertiĝi. Aleks iĝis lia konsilanto.

Oni laboradas por afrika kandidatiĝo por IJK en la frua estonteco. La TEJO-estrarano pri landa kaj afrika agado eksondis pri monfontoj por okazigi trejnseminaron en Afriko dum la venonta jaro. Pro tio, mi petas ĉiujn volontulojn helpi lin trovi monfonton pro la realigo de la trejnseminario en Afriko. Se ne, Afrika ŝajnas esti forgesata pro tia(j) TEJO-aranĝo(j).

Decembre 2005 UEA rajtigis la TEJO-estraron pri landa kaj afrika agado, ke li aliĝis al pluraj diskutlistoj kaj transpreni la reorganizado de la afrika movado. Li forte agadis kunlabore kun UEA kaj Centra oficejo de UEA pro la translokiĝo de Afrika Oficejo (AO) el Togolando al Benino. Li transprenis la posteno de Komisiito pri Afrika Oficejo-respondeculo pri

ILEI kaj TEJO. Januare li gvidis delegacion de UEA en Afriko al Bamako por tie prelegi pri Esperanto dum la okazinta Monda Socia Forumo.

La TEJO-estrarano pri landa kaj afrika agado multe kunlaboris kun la organiza teamo en Sudafriko por okazigi la TEJO-aktivaĵojn dum la okazinta sudafrika kongreso aprile –maje kaj pretis transpreni la gvidadon de aktivaĵoj. Bedaŭrinde pro la vojaĝokosto, li ne sukcesis vojaĝi tien.

La TEJO-estrarano pri landa kaj afrika agado, komisiono pri freŝa vento forte kunlabori kun la komisiito pri Freŝa Vento, Daniela Tagliafico pro la agado de freŝa vento. La cetera paŝo estas nun pristudi la projektojn alvenitajn dum UK kaj IJK.

Bedaŭrinde neniu el Afriko kandidatiĝis al Komitatano kvankam la TEJO-estrarano pri landa kaj afrika agado retmesaĝis al ili por kuraĝigi ilin kandidatiĝi. Eĉ Adjevi Adje, kiu komence pretis sendi sian kandidatiĝon, ne plu kapablas sendi fakte, ke la TEJO-sekcio ne proponis lin. Mi penas, ke dum la venontaj monatoj iuj inter ili kandidatiĝi pri la posteno de komisiito. Li nun kalkulas je la forto de Floent Ntoto el Kongo- Anagovi Ahmed el Niĝerio kaj Joseph Tchokpodo el Benino. Mi esperas transdoni la torĉon de TEJO al iu inter ili por daŭrigi la agadon de TEJO en Afriko.

Unuopaj retmesaĝoj estas adresitaj al kelkaj landaj sekcioj por scii kiel evoluas la movado. Pozitivajn respondojn ricevis la TEJO-estrarano pri landa kaj afrika agado. Sed kio ege kortuŝis lin estas, ke la TEJO-sekcio en Togolando ne deziris liveri informojn al la TEJO-estrarano kvankam tiu lasta plurfoje retmesaĝis kaj eĉ sendis msm per portebla al la estraro de JOTE.

Rilate al Benino, la junulara sekcio survojas.

Renkontiĝoj (raportas David-Emil Wickström, prezidanto de TEJO kaj TEJO-estrarano pri ijk)

IJK

Farenda de mia antaŭulino restis aprobi la raporton de la IJK en Zakopano. Tio okazis dum la estrarkunsido aŭtune 2005. La IJK estis sukcesa kun 456 partoprenintoj el 40 landoj kaj profito de EUR 7395,73 (el tio triono iris al la LKK, triono al la junulara fondaĵo de UEA kaj triono al la rezervo IJK).

Krome mi sekvis la preparlaborojn de la IJK 2006 en Sarajevo Bosnio. Kadre de tio mi ĉestis LKK-kunsidon en Sarajevo komenco de aprilo 2006.

Por la IJK 2007 kandidatiĝis du landoj, Koreio kaj Vjetnamio. Post pritraktado de ambaŭ kandidatiĝoj la TEJO-estraro selektis Vjetnamio kiel loko de la IJK 2007. La kontrakto jam estas subskribita inter la LKK, UEA kaj TEJO kaj la unuaj preparlaboroj ekis.

Unue el miaj celoj estas plifaciligi kaj iomete travidebligi la kandidatiĝan proceduron. Pro tio mi verkis manlibron pri kiel kandidatiĝi al la IJK kaj kreis retpaĝon pri la kandidatiĝproceso (trovebla ĉi-tie <http://www.TEJO.org/node/12>). Aldone estas ekanta manlibron pri kiel organizi renkontiĝojn en la TEJO-vikio, kie aktivaj kaj antaŭaj organizantoj estas invititaj kontribui kun iliaj spertoj. Ĝi troveblas ĉe http://www.TEJO.org/vikio/Manlibro_Pri_Organizado_De_Renkontiĝoj

Seminarioj kaj aktivula trejnado

Pri aktivula trejnado Ilja de Coster iomete pli profunde okupiĝis. Bedaŭrinde subvencipeto ĉe EKF kion ni faris aŭtune 2005 ne estis akceptita, sed despli ĝoje peto estis akceptita ĉe la Youth agentejo en Belgio printempe 2006. La seminario okazos aŭtune 2006 en Bruselo kaj la titolo estas "Komuniki lingvaj rajtoj en integriĝanta Eŭropo". Pliaj informoj sekvos dum la sumero.

Krome estas planita fari aktivultrejnadseminarieton pri renkontiĝa mastrumado dum la IJK en Sarajevo.

Mi ŝatus nome de la TEJO-estraro danki miajn antaŭulojn Nastia Kozhevnikova, Sonja Petrovic kaj Zhenia Gauss por ilia bonega laboro!

Informado kaj eldonoj (raportas Chuck Smith, TEJO-estrarano pri informado)

TEJO.org

Mi esploris uzantamikajn sistemojn kaj finfine decidis ke Drupalo plej taŭgas. Mi kopiis la enhavon de la malnova TEJO.org kaj lanĉis ĝin. Poste mi aldonis blogojn kaj forumon kiu bonas por havi retan komunumon por TEJO-anoj. Mi konstante ĝisdatigas la paĝaron kaj tio ĉiam videblas de la ĉefa paĝo. Mi nuntempe esploras kiel plej bone multlingvigi la

paĝaron.

Pasporta Servo (raportas Derk Ederveen, komisiito pri Pasporta Servo)

Pasporta Servo fidele aperadas. Eldono 2006 aperis kiel kutime en februaro, presita de eldonejo NEPO (Maciej Wnuk) el Pollando. En 188 paĝoj vi trovos 1320 gastigantojn el 92 landoj, 23 mapojn, malfeliĉe neniujn anoncojn kaj novan Landan Organizanton en Bulgario.

Por tiu ĉi eldono la administra sistemo, kiu antaŭ dek jaroj estis programita de Jeroen BALKENDENDE en LaTeX, estis reprogramita en Microsoft Word, por faciligi kaj plifleskebligi la administradon. Ni uzis la okazon por iom ŝanĝi la aspekton kaj la simbolojn, kio ŝparis pli ol 10% de la paĝoj.

La nombro da gastigantoj iomete malkreskis, sed la nombro da landoj kreskis al nova rekordo. Tamen, Pasporta Servo daŭre spertas malfacilaĵojn kaj problemojn:

- duono de la landoj havas nur unu ĝis tri gastigantoj, kaj duono de la gastigantoj loĝas en nur dek landoj
- Pasporta Servo estas deficitata, kvankam multaj gastigantoj ĉi-jare rezignis pri sia 'senpaga' ekzemplero, kaj kvankam multaj gastigantoj libervole donacis monon
- urĝe mankas persono kiu povus dediĉi iom da tempo al la 'eksteraj rilatoj' de Pasporta Servo, al pli aktiva vendado de la libro, kaj al enspezoj per donacoj, anoncoj ktp

Por 2007 ni planas la eblecon de elektronika adreslibro por gastigantoj kiuj deziras tion, por tiumaniere ŝpari preskostojn kaj afrankojn. Pli da informoj vi trovos en la retejo de Pasporta Servo (www.tejo.org/ps).

Kontakto (raportas Ŝenja Amis, Kontakto-redaktorino)

Aperintaj numeroj

En la dua duono de 2005 kaj la unua duono de 2006 en Kontakto aperis la jenaj numeroj:

- 207 (2005:3) - Ĉeftemo - Civilizacioj.
- 208 (2005:4) - Ĉeftemo - Terorismo.
- 209 (2005:5) - Ĉeftemo - Politiko/malriĉeco.
- 210 (2005:6) - Ĉeftemo - Festoj.
- 211 (2006:1) - Ĉeftemo - Kie mitoj kaj realeco interplektiĝas.
- 212 (2006:2) - Ĉeftemo - Bestaj rajtoj (kun 4-folia aldonajo "KAKTO" rilata al la lando de la IJK 2006: Bosnio Hercegovino).
- 213 (2006:3) - Ĉeftemo - Lingvoj.

Aperontaj numeroj

214 (2006:4) - Ĉeftemo - Egalaj rajtoj/feminismo. En kunlaboro kun la kampanjo „Ĉiuj diversaj, ĉiuj egalaj% de la Konsilio de Eŭropo. Tiu ĉi numero estis sponsorita de la KdE.

215 (2006:5) - Ĉeftemo - Tutmondiĝo.

216 (2006:6) - Ĉeftemo - Amo.

(Temoj de la venontaj numeroj ankoraŭ ne estas strikte fiksitaj.)

Ĉiuj viaj ideoj, proponoj kaj ^ certe! - artikoloj ĉi-temaj kaj ajnatemaj estas pli ol bonvenaj!

Kontakto ĉe Interreto

Ekde la jaro 2006 Kontakto estas havebla ankaŭ interrete, per la Reta Jarlibro de UEA (reto.uea.org, sekcio Teko), dank, al laboro de Andrej Grigorjevskij. Tie la revuo aperas antaŭ la apero en la presita formo. Krom la freŝdataj numeroj, en la reto estas ankaŭ la jarkolektoj de 2005 kaj 2004 (en la taskolisto de la redakcio estas prepari kelkajn pliajn jarkolektojn por la reto). La freŝdataj numeroj de Kontakto estas plenkoloraj; post ĝia apero en la reto la redaktoro dissendas sciigon pri la haveblo de la nova numero al ĉiuj ricevantoj de Kontakto. La reta versio de Kontakto estas sufiĉe populara (ekz., la numero kun la temo "Familioj" estis elŝutita preskaŭ 100-foje!).

Chuck Smith starigis sekcion kaj forumon de Kontakto ĉe la retpaĝo de TEJO kaj ankaŭ aĉetis la domajnnon www.kontakto.org por posta starigo de memstara retpaĝo de Kontakto. La redakcianoj esperas, ke la tasko krei retpaĝaron por Kontakto estos baldaŭ inter la prioritatoj de la estraro.

Interkulturo

En la raporta periodo en Kontakto aperis du artikoloj rilate al la projekto Interkulturo (t.e. artikoloj rilataj al kultura diverseco, interkultura lernado, interkulturaj konfliktoj ktp.). La redakcio dankas al Interkulturo pro tiuj ĉi artikoloj (kiuj estas aparte ŝatataj de la legantoj) kaj invitas la kunlaborantojn de IK al plia kaj pli aktiva kunlaboro.

Fine de 2005 finiĝis komuna konkurso de Interkulturo kaj Kontakto pri la plej interesa interkultura sperto. Estis entute kvin gajnintoj: tri de Interkulturo kaj du de Kontakto.

Kunlaboru!

La redakcio ankaŭ invitas la estraron de TEJO kaj ĉiujn aktivulojn kontribui kaj varbi kontribuojn por Kontakto. Ni tre bezonas, atendas kaj bonvenigas viajn kontribuojn!

TEJO Aktuale - TT

TA aktuale bedaŭrinde aperis sufiĉe malregule dum la lasta jaro. Pro tio ni nun serĉas novan redaktoron por TEJO-Aktuale.

TEJO Tutmonde - TT (Raportas Joel Amis, tt-redaktoro)

En 2005 aperis ses numeroj de TT, kiuj ĉiuj estis senditaj kun la revuo Kontakto. La redakcia adreso dum la tuta periodo estis en Atlanto, Usono.

Ĝis la dato de tiu ĉi raporto (la 4-a de septembro, 2006), estis redaktitaj kaj presitaj la unua kaj la dua-tria numeroj de TT (por konservi la sinsekvon de numeroj, la CO petis tion al la redakcio; la kvanto de la paĝoj en la numero 2-3 estis 16). Estas antaŭvidate ke en 2006 aperos du pliaj numeroj por kompletigi la jarkolekton kiu konsistas el 4 numeroj.

En junio la nuna redaktoro anoncis al la estraro (kaj poste en la revuo mem) ke li redaktos TT-on nur ĝis la fino de 2006. La ĉefa kialo de la demisio estas ke ege mankas tempo al la redakcianoj dediĉi sufiĉan tempon al la tasko. Alia grava kialo estas manko de kontribuoj, aparte fare de la estraranoj - kaj ĝuste pro la tempomanko la redaktoro ne povas tre aktive varbi la kontribuojn. La redakcio de TT - nuna kaj posta - tre bezonas kontribuojn kaj de la estraro kaj komitato (pro tio ke TT estas la oficiala organo), kaj de la membroj.

En numero 2-3 aperis anonco por nova redaktoro. La fruaj reagoj al tiu anonco estas tre esperigaj.

Rilatoj kun UEA (raportas Chuck Smith, TEJO-estrarano pri informado)

Jura sendependiĝo

Ni daŭrigas nian laboron kun UEA por ekhavi propran juran registronumeron en Nederlando. Ni nuntempe atendas ke Ans Bakker fordonas la necesajn paperojn al la notario en Nederlando por ke ni ekhavi la juran sendependecon.

Eksteraj Rilatoj (raportas , XXX TEJO-estrarano pri eksteraj rilatoj)

Partopreno de UN-konferencon en Novjorko (raportas Chuck Smith, TEJO-estrarano pri informado)

Chuck Smith kaj Anna-Laura Wickström partoprenis UN-konferencon en Novjorko. Dum la konferenco ni multe babiladis kun aliaj partoprenantoj, kaj estis trafitaj de positiva reago pri Esperanto de ĉiuj. Ni kaj konatiĝis kun aliaj junuloj, kaj reprezentantoj de grandaj kaj gravaj NRO-oj kaj eĉ la vicprezidanto de la konferenco, kiu volas daŭrigi la diskuton. Pluraj petis de ni retadreson kaj planas viziti www.lernu.net.

Detala raporto: http://www.TEJO.org/vikio/Raporto_Pri_La_NRO_Konferenco_Ĉe_UN_2005

Partopreno de FoJE-konferencon en Vilno (raportas Chuck Smith, TEJO-estrarano pri informado)

Mi ekhavis bonegajn kontaktojn kun Naciaj Junularaj Konsilioj en Eŭropo kiuj volas ke naciaj junularaj Eo-organizoj ekaliĝu al ili. Mi ekenvolviĝis en la kampanjo Iĝu Vizebla (www.getvisible.org) kiu estas agado por ke junularaj aktivistoj ne devu akiri vizon por eksterlanda agado kiu cetere ege utilis al ni por ekhavi TEJO-volontulojn. Mi ekhavis kontakton kun AEGEE en kiu ni povus instrui Esperanton ĉe ilia somera universitato venontjare. FoJE ankaŭ volas krei filmon pri sia dekjariĝo kaj ni povus traduki subtitolojn por ĝi esperanten.

Detala raporto: http://www.TEJO.org/vikio/Raporto_Pri_Press_And_Communications_Meeting_Ĉe_FoJE_2006

Financoj (raportas Adenjo Charrière, kasistino de TEJO)**Konkludo (raportas David-Emil Wickström, prezidanto de TEJO kaj TEJO-estrarano pri ijk)**

Fine mi ŝatus instigi vin ĉiuj ekaktivi en TEJO - TEJO estas **via** organizo kaj sen via kontribuo la agado de TEJO estas ege limigita (la estraranoj ne estas superhomoj bedaŭrinde...). Nuntempe TEJO tiel funkcias, kiel George Bush ŝatus ke Usono funkcias - la eksekutivo (la estraro) senkontrole de la komitato agas kaj faras kion ŝli volas. Feliĉe en Usono la kongreso kaj senato ekaktivis kaj repelis la dezirojn de Bush kaj Cheney. Ĉu la TEJO-komitato ankaŭ tion sukcesos?

Feliĉe (r)estas kelkaj aktivuloj kaj la estraro volas danki ĉiujn niajn aktivulojn por ilia (fakte via, se vi legas tiun-ĉi) kunlaboro dum la lasta jaro. Aparte ni volas danki Osmo Buller kaj ĉiujn oficistojn en la CO, niajn komisiitojn, redaktorojn kaj nian volontulon, Marteno Miniĥ.